


唐宋詩醇




陸
四三

庫文閣		函	架
三八二	三八二	函	架
三	二	一	一
冊	號	類	

庫文閣內		函	架
三八二	三八二	函	架
三	二	四	四
冊	號	類	

內閣文庫	
番號	漢 3782
冊數	32 (31)
函號	358 19

四十四之五



書齋
銅

御選唐宋詩醇卷之四十四

山陰陸游詩

淺草文庫

陸游詩

目錄

西巖翠屏閣

雨中
山行至松風亭忽澄霽

贈宋道人

獵罷夜飲示獨孤生

秋晚登城北門

莫秋

大內
御選
唐宋詩醇

西巖翠屏閣
雨中
山行至松風亭忽澄霽

御選唐宋詩醇卷之四十四
陸游

數日暄妍頗有春意予閑居無日不出遊戲

作

江樓醉中作

曳策

謁漢昭烈惠陵及諸葛公祠宇

大雪歌

訪客至西郊

夜寒

故蜀別苑在成都西南十五六里梅至多有

兩大樹天矯若龍相傳謂之梅龍予初至蜀

嘗為作詩自此歲常訪之今復賦一首丁酉

十一月也

閑意

書雨

莫冬夜宴

謁石犀廟

江上散步尋梅偶得絕句

大醉梅花下走筆賦此

蘇東坡詩集卷之四

廣都江上作

道室夜意

城南王氏莊尋梅

遊諸葛武侯書臺

眉州披風榭拜東坡先生遺像

南定樓遇急雨

舟中對月

涪州道中

北巖

忠州禹廟

龍興寺吊少陵先生寓居

遊萬州岑公洞

萬州放船過下巖小留

楚城

舟出下牢關

峽口夜坐

初到荊州

阻風

蘇東坡詩集卷之四 陸游

三

行遊厚以詩曹 卷四
小雨極涼舟中熟睡至夕

岳陽樓

黃鶴樓

自雪堂登四望亭因歷訪蘇公遺跡至安國

完

舟行蘄黃間雨霽得便風有感

長風沙

登賞心亭

將至京口

沂谿

冬夜聞雁有感

月夕

自雲門之陶山肩輿者失道行亂山中有茅

舍小塘極幽遠求見主人不可意其隱者也

園中雜書

池亭夜賦

雙清堂夜賦

橋南納涼

初秋夢故山覺而有作

別建安

紫谿驛

月巖

聞雁

春雨

南窓睡起

感舊絕句

夏日晝寢夢遊一院闐然無人簾影滿堂惟

燕蹋箏弦有聲覺而聞鐵鐸風響璆然始所

夢也邪因得絕句

書懷絕句

雨後極涼料簡篋中舊書有感

秋夜

雨夜

豐城高安之間憇民家景趣幽邃為之慨然

懷歸

寄奉新高令

予欲自嚴買船下七里灘謁嚴光祠而歸會
灘淺陸行至桐廬始能泛江因得絕句

辛丑正月三日雪

雪霽歸湖上過千秋觀少留

題山家壁

憶昔

秋夜

九月三日泛舟湖中作

新寒

湖村月夕

橫塘

蔬圃

五雲門晚歸

夜汲井水煮茶

寄朱元晦提舉

乍晴風日已和泛舟至扶桑埭徘徊西村久

之

携瘦尊醉梅花下

城西接待院後竹下作

幽居春夜

晨起

春遊

八月十四日夜湖山觀月

夜聞秋風感懷

草書歌

夜泊水村

自妙相歸將至杜浦堰舟中作

御選唐宋詩醇卷之四十四

山陰陸游詩三

西巖翠屏閣

把酒孤亭半日留。西巖獨擅鶴山秋。也知絕境終難賦。且喜閑身得縱遊。鷗起危巢時磔磔。鹿鳴深澗暮呦呦。人生適意方為樂。甲第朱門祇自囚。五六造語幽絕。寂歷之境宛然在目。

雨中山行至松風亭忽澄霽

煙雨千峰擁髻鬟。忽看青嶂白雲間。卷藏破墨營

邱筆却展將軍著色山

贈宋道人

我不如昔人騎鶴上九天。玉簡奏事虛皇前。平生
嗇養氣。麤全兩脚馳。走輕如煙鳥。道懸崖忽飛。騫
戲擲短劍。聲鏗然。轉盼跳下千仞淵。已復取劍升
層巔。騰猿俊鷲爭後先。飢食松花。掬飛泉。金骨綠
髓漸凝堅。口哦七字黃庭篇。西來欲訪拔犀僊。丹
經劍訣更精研。嗟哉一失五百年。作詩付子。子
傳。

獵罷夜飲示獨孤生

白袍如雪寶刀橫。醉上銀鞍身更輕。帖草角鷹掀
兔窟。憑風羽箭作鷗鳴。關河可使成南壯。豪傑誰
堪共死生。欲疏萬言投魏闕。燈前攬筆涕先傾。
直從胸臆流出。如聞撫髀之歎。

秋晚登城北門

幅巾藜杖北城頭。卷地西風滿眼愁。一點烽傳散
關信。兩行雁帶杜陵秋。山河興廢供搔首。身世安
危入倚樓。橫槊賦詩非復昔。夢魂猶繞古梁州。

陸游 獵罷夜飲 秋晚登 二

神似少陵

莫秋

時序中年速。風霜客路長。孤愁巴。月白清。夢楚山。蒼燈暗。秋銜壁。鐘踈夜。殷床端。居有微祿。不敢恨殊方。

數日暄妍頗有春意予閑居無日不出遊戲

作

小春花蕾索春饒。已有暄風入紫貂。村路雨晴鳩婦喜射場草綠雉媒驕。苑邊結客飛金勒。樓上誰

家弄玉簫。莫怪夕陽歸獨後。早梅喚我度谿橋。

原注

蜀宣華苑在摩訶池上

江樓醉中作

淋漓百榼宴江樓。秉燭揮毫氣尚遒。天上但聞星主酒。人間寧有地埋憂。生希李廣名飛將。死慕劉伶贈醉侯。戲語佳人頻一笑。錦城已是六年留。

原註

退之詩云越女一笑三年留

曳策

原註遊房園作

慈竹蕭森拱廢臺。醉歸曳策一徘徊。紛紛落日牛

羊下黯黯長空霰雪來三峽猿催清淚落兩京梅
 傍戰塵開客懷已是淒涼甚更聽城頭畫角哀
 觸緒即來自是此翁忠悃與杜陵無二賞其氣之
 蒼老

謁漢昭烈惠陵及諸葛公祠宇

雨止風益豪雪作雲不動淒涼漢陵廟衰草卧翁
 仲畫妓空笙竽土馬闕羈鞅壤沃黃犢耕柏密幽
 鳥哢尚想忠武公身任社稷重整整渭上營氣已
 無岐雍少須天意定破賊寧患衆興亡信有數星

隕事可痛陵邊四五家茆竹居接棟手皸紙上箔

原註居民皆以造紙為業 醅熟酒鳴甕雖嗟生理微亦足追飢

凍劉葛固雄傑閱世均一夢論高常近迂才大本
 難用九原不可作再拜臨風慟

潘問奇曰事未必然聊為孔明吐氣

大雪歌 原註累日作雪竟不成戲賦此篇

長安城中三日雪潼關道上行入絕黃河鐵牛僵
 不動承露金盤凍將折虬鬚豪客狐白裘夜來醉
 眠寶釵樓五更未醒已上馬衝雪却作南山遊千

年老虎獵不得一箭橫穿雪皆赤挈空爭死作雷
 吼震動山林裂崖石曳歸擁路千人觀羈縻作枕
 皮蒙鞞人間壯士有如此胡不來歸漢天子
 一腔豪氣千古奇文覺希逸雪賦直是兒女情多
 風雲氣少

訪客至西郊

撼撼敗葉飛黯黯寒雲低村墟與市里觸目一慘
 悽今日病體輕駕言適城西丹柿滿野店青帘出
 江隄獵騎載雉兔樵檐懸鷄雞居人各自得使我
 念故谿故谿不敢說况復朝金閨傷哉齧雪翁歲
 晚猶牧羝下愚不自還大惑終身迷君恩何由報
 力耕愧黔黎

夜寒

清夜焚香讀楚詞寒侵貂褐歎吾衰輕冰滿研風
 聲急忽記山陰夜雪時

故蜀別苑在成都西南十五六里梅至多有
 兩大樹天矯若龍相傳謂之梅龍予初至蜀
 嘗為作詩自此歲常訪之今復賦一首丁酉

十一月也

昔年曾賦西郊梅。茫茫去日如飛埃。即今衰病百事嬾。陳迹未忘猶一來。蜀王故苑梨已遍。散落尚有千雪堆。朱樓玉殿一夢破。煙蕪牧笛遺民哀。兩龍卧穩不飛去。鱗甲脫落生莓苔。精神最遇雪月見。氣力苦戰冰霜開。羈臣放士耿獨立。淑姬靜女知誰媒。摧傷雖多意愈厲。直與天地爭春回。蒼然老氣壓桃杏。笑我白髮心尚孩。微風故為作嫵媚。一片吹入黃金壘。

詩以言情賦物而情不至不足以為詩。羈臣放士耿獨立。淑姬靜女知誰媒。蓋亦黯然而自傷矣。

閑意

柴門雖設不曾開。為怕人行損綠苔。妍日漸催春意動。好風時捲市聲來。學經妻問生疎字。嘗酒兒斟歛。盃安得小園寬半畝。黃梅綠李一時栽。

書雨

仲冬候始寒。丙夜天正黑。雨來挾風助。吼擊不遺力。聲如拔高山。勢若伐強國。初憂老栢折。遂恐石

行。人。之。言。百。神。各。効。職。蛟。龍。鬪。歲。暮。豪。橫。
理。莫。測。農。功。幸。已。成。龍。怒。亦。會。息。屋。漏。何。足。言。袖。
手。姑。默。默。

信手拈來。輒成奇語。中間接筆。尤為健絕。

暮冬夜宴

官機錦茵金蹙鳳。舞娃釵墮雙鬟重。寶爐三尺香。
吐霧盡。燭如椽。風不動。主人愛客情無已。箏聲未。
斷。歌聲起。亦知百歲等朝露。便恐一歡成覆水。爐。
紅酒。綠春為回坐。上梅花。連夜開。堂前只尺異氣。

候。冰。合。平。池。霜。壓。階。

妙於諷諭風人之遺。

謁石犀廟

閑過石犀祠。登堂一歎欷。江回陵谷變。碑斷市朝。
非。原註有王蜀荒圃連寒甕。斜陽映夕霏。興亡俱。
昨夢。惆悵跨驢歸。

江上散步尋梅偶得絕句

小南門。原註萬里橋門。外野人家。短短疎籬綠。白。
沙。紅。稻。不。須。鸚。鵡。啄。清。霜。催。放。兩。三。花。

大醉梅花下走筆賦此

閉門坐歎息。不飲輒千日。忽然酒興生。一醉須一石。擔頭花易老。旗亭酒常窄。出郊索一笑。放浪謝形役。把酒梅花下。不覺日既夕。花香襲襟袂。歌聲上空碧。我亦落烏巾。倚樹吹玉笛。人間奇事少。頗謂三勅敵。酒闌江月上。珠樹挂寒壁。便疑從此僊。朝市長掃迹。醉歸亂一水。頓與異境隔。終當騎梅龍。海上看春色。原註梅龍蓋蜀苑中故物也風流清興如在目前

廣都江上作

微波不搖江。纖雲不行天。我來倚杖立。天水相澄鮮。平遠望不盡。日落自生煙。梅花耿獨立。雪樹明前川。好風吹我衣。春色已粲然。東村聞酒美。買醉上漁船。

道室夜意

寒泉漱酒醒。午夜誦仙經。茶鼎聲號蚓。香盤火度螢。齋心守元牝。閉目得黃寧。寄語山中友。因人送茯苓。



黃庭經何不食氣太和精故能不死入黃寧注
即黃庭也

城南王氏莊尋梅

涸池積槁葉。茆屋圍疎籬。可憐庭中梅。開盡無人
知。寂寞終自香。孤貞見幽姿。雪點滿綠苔。零落尚
爾奇。我來不須晴。微雨正相宜。臨風兩愁絕。日暮
倚筇枝。
骨格不凡

遊諸葛武侯書臺

沔陽道中草離離。卧龍往矣空遺祠。當時典午稱
猾賊。氣喪不敢當。王師定軍山前寒。食路至今人
祠丞相墓。松風想像梁甫吟。尚憶幡然會三顧。出
師一表千載無。遠比管樂蓋有餘。世上俗儒寧辨
此。高臺當日讀何書。
警策語故不在多

眉州披風榭拜東坡先生遺像

蜿蜒回顧山有情。平鋪十里江無聲。孕奇蓄秀當
此地。鬱然千載詩書城。高臺老仙誰所寫。仰視眉

行遊石室詩

拜東坡遺像

南定樓遇雨

宇寒嶂。嶭百年醉魂吹不醒。飄飄風袖筇枝橫。爾
來逢迎厭俗子。龍章鳳姿我眼明。北扉南海均夢
耳。謫墮本自白玉京。惜哉畫史未造極。不作散髮
騎長鯨。故鄉歸來要有日。安得春江變酒從公傾。

南定樓遇急雨

行遍梁州到益州。今年又作度瀘遊。江山重複爭
供眼。風雨縱橫亂入樓。人語朱離逢峒獠。棹歌欸
乃下吳舟。天涯住穩歸心嬾。登覽茫然却欲愁。
屬對之妙神韻自然不可湊泊

舟中對月

百壺載酒遊凌雲。醉中揮袖別故人。依依向我不
忍別。誰似峨眉半輪月。月窺船窗挂淒冷。欲到渝
州酒初醒。江空裊裊釣絲風。人靜翩翩葛巾影。哦
詩不睡月滿船。清寒入骨我欲仙。人間更漏不到
處。時有沙禽背船去。

涪州道中

遠客喜歸路清遊。逾昔聞雨添山翠。重舟壓浪花
分洛叟經名世。張侯勇冠軍。原註郡境有伊川先
生故居及張翼德祠

印是百下寺亭

卷四

陸游

舟中對月

涪州道

十

往還屋宇詩四
中北巖

懷人不可覲。袖手對爐熏。

壯巖 原註有程正叔先生祠堂

艤船涪州岸。携兒壯巖遊。搖櫂橫大江。褰裳躡高樓。雨昏山半失。江漲地欲浮。老矣寧再來。為作竟日留。烏帽程丈人。閉戶本好修。駭機一朝發。議罪至竄投。黨禁久不解。胡塵暗神州。修怨以稔禍。哀哉誰始謀。小人無遠略。所懷在私讐。後來其鑑茲。賦詩識巖幽。持論嚴正所見者大集中如此等作於君子小人

之分判若黑白足以觀其所處矣

忠州禹廟

古郡巴蠻國。空山夏禹祠。鴉歸暗庭柏。巫拜薦江。籬草蔓青綠。壁苔痕紫滿。碑欲歸頻。悵望回棹夕陽時。

雖非橘袖龍蛇之比亦老氣無敵

龍興寺弔少陵先生寓居

中原草草失承平。戍火胡塵到兩京。扈蹕老臣身。萬里天寒來此聽江聲。

印是寺亭
陸游 忠州禹廟 龍興寺 十一

雙管齊下一寫兩核

張完臣曰艸艸二字狀盡衰世景象謂之咏少陵可謂之自咏亦可

遊萬州峯公洞

原註峯公隋時人居此二十年得道仙去

大業征遼發閭左軍興書檄煎膏火此時也復有閑人自引巖泉拾山果後六百歲吾來遊洞中正夏淒如秋乳石床平可坐卧水作珠簾月作鈎十年神遊八極表浮名坐覺秋豪小試問峯公迎我不鶴飛忽下青松杪

萬州放船過下巖小留

畫船四月滿旗風飲散匆匆鷁首東醉裏偏憐江水綠意中已想荔枝紅斷碑零落莓苔遍幽澗淙潺略約通一疋寧無好東絹憑誰畫此碧玲瓏

楚城

江上荒城猿鳥悲隔江便是屈原祠一千五百年間事只有灘聲似舊時

王士正曰歸州在江壯山巔江南有楚臺山山上有楚王臺及舊秭歸城三閭大夫實產是鄉

王龜齡詩城郭舊為夔子國人民多是楚王孫
 陸放翁詩江上荒城猿鳥悲隔江便是屈原祠
 一千五百年間事只有灘聲似舊時何仲默詩
 古郡山頭數家住客舟江上一燈明竹枝慣聽
 巴人曲鳥道纔通楚國程荒山寒日江聲怒號
 獨坐吟此數詩不必猿鳴三聲淚霑裳也
 張完臣曰聲味都盡而語氣不斷此之謂詩

舟出下牢關

大舸凌驚濤飛度青玉峽虛壁雲濛濛陰洞風颯
 颯拂天松蓋偃入水山脚挿炎曦忽摧破亭午手
 忘筴懸知今夜喜月白宿沙夾曠哉七澤遊盟鷗
 不須歎

押韻皆穩

峽口夜坐

三峽至此窮兩壁猶峭立估船無特行婦盍有夜
 汲風生樹影動月碎水流急草根綴微露螢火飛
 熠熠吾行已四旬纔抵楚西邑浩歌散鬱陶還舟
 覺衣濕

初到荊州

萬里泛仙槎。歸來鬢未華。蕭蕭沙市雨。淡淡渚宮花。斷岸添新漲。高城咽晚笳。船窗一樽酒。半醉落烏紗。

阻風

沙市三日風。萬鼓鳴船頭。欲去不得發。卧對青燈幽。聽兒誦離騷。可以散我愁。微言入孤夢。恍與屈宋遊。睡起銅瓶響。欣然喚茶甌。吾道無淹速。風伯非所尤。

小雨極涼舟中熟睡至夕

舟中一雨掃飛蠅。半脫綸巾卧翠藤。清夢初回。窗日晚。數聲柔艣下巴陵。

盧世灌曰。只末一句。有多少蘊含在。

岳陽樓

身如病鶴短翅翎。雨雪飄灑號沙汀。天風忽吹不得住。東下巴峽泛洞庭。軒皇張樂雖已矣。此地至今朝。百靈雄樓。岌業鎮吳楚。我來舉手捫天星。帆檣纔放已隱隱。雲氣亂入何冥冥。鼉鼉出沒蛟鱓。

陽樓 黃鶴樓

橫浪花遮盡君山青。黃衫仙翁喜無恙。袖劍近到城南亭。眼前俗子敗人意。安得與翁同醉醒。

黃鶴樓

手把仙人綠玉枝。吾行忽及早秋期。蒼龍闕角歸何晚。黃鶴樓中醉不知。江漢交流波渺渺。晉唐遺跡草離離。平生最喜聽長笛。裂石穿雲何處吹。別出機軸邈然清。夙結語運化入妙。幾於滅盡針線之迹。

自雪堂登四望亭因歷訪蘇公遺迹至安國

院

我醉飛屐登孱顏。拄杖出沒風煙間。三山葱隴鮫鰐靜。九關蕭穆虎豹閑。幾年金骨煉綠髓。此日始得窮躋攀。老僊歸侍紫皇案。空有野水流淙潺。蜿蜒翠阜圍綠野。似嶺非嶺山非山。向來龍蛇滿雪壁。雷電下取何時還。名花亦已天上去。居人指似題詩處。九十一翁不識公。我抱此恨知無窮。原註定惠院已廢。海棠亦不復在。安國老僧景滋年九十一。自言東坡去黃後四年方生。丹行蘄黃間。雨霽得便風有感。

陸游 歷訪蘇公遺迹 舟

行雨霽 長風沙 三

天青雲白十分晴。帆飽舟輕盡日行。江底魚龍貪
晝睡。淮南草木借秋聲。好山縹渺何由住。華髮蕭
條只自驚。莫怪時人笑踈嬾。宦情元不似詩情。

長風沙

江水六月無津涯。驚濤駭浪高吹花。艣聲已出雁
翅浦。荻夾喜入長風沙。長風自古三巴路。檣竿參
差雜煙樹。南船北船各萬里。淒涼小市相依住。歌
呼雜沓燈火明。黃昏風死浪亦平。勞苦舟師剩沽
酒。安穩明朝到池口。

登賞心亭

蜀棧秦關歲月道。今年乘興却東遊。全家穩下黃
牛峽。半醉來尋白鷺洲。黯黯江雲瓜步雨。蕭蕭木
葉石城秋。孤臣老抱憂時意。欲請遷都涕已流。

將至京口

卧聽金山古寺鐘。三巴昨夢已成空。船頭坎坎回
帆鼓。旗尾舒舒下水風。城角危樓晴靄碧。林間雙
塔夕陽紅。銅瓶愁汲中濡水。不見茶山九十翁。
原註

頃在京口嘗取中濡水寄曾文清公

陸游 登賞心亭 將至京 七

沂谿

射的峰前禹廟東。短蓬三扇卧衰翁。閑携清聖濁
賢酒。重試朝南莫。北風水落痕。留紅蓼。節雨來。擊
滿綠蒲叢。衝煙莫作匆匆去。擬看溪丁下釣筒。

冬夜聞雁有感

從軍昔戍南山邊。傳烽直照東駱谷。軍中罷戰壯
士閑。細草平郊恣馳逐。洮州駿馬金絡頭。梁州毬
場日打毬。玉杯傳酒和鹿血。女真降虜彈箜篌。大
呼拔幟思野戰。殺氣當年赤浮面。南遊蜀道已低

摧。猶據胡牀飛百箭。豈知踰蹬還江邊。病臂不復
能開弦。夜聞雁聲起太息。來時應過桑乾磧。
豪邁一往壓倒高岑。

月夕

開戶滿庭雪。徐看知月明。微風入叢竹。復作雪來
聲。俗塵不待掃。凜然肝肺清。村深無漏鼓。鶴唳報
三更。以雋語寫幽致。列子御風冷然善也。

自雲門之陶山肩輿者失道行亂山中有茅

舍小塘極幽邃求見主人不可意其隱者也
陂池幽處有茅堂井白蕭條草樹荒小鴨怯波時
聚散病蔬傷蠹半青黃童兒衝雨收魚網婢子聞
鐘上佛香我亦暮年思屏迹數椽何計得連牆

園中雜書

殘花委地筍掀泥香碗詩囊到處携幽夢欲成誰
喚覺半窓斜日鷓鴣啼

池亭夜賦


池上小亭幽清宵秉燭遊荷盤時瀉露螢火早知

秋有感歲時速無聲河漢流殊方不堪住歸夢繞
滄洲

雙清堂夜賦

嗟子病少間獨卧谿上堂人靜魚自躍風定荷更
香素月行中天流螢失孤光歸鳥飛有聲度此十
里塘嗟我獨何事遲暮客異鄉太息搔短髮起視
夜未央

妙於體物流螢失孤光與螢火早知秋各有妙理
風定荷更香風定池蓮自在香亦復各成妙句前



後三詩不妨並存

橋南納涼

曳杖來追柳外涼。畫橋南畔倚胡牀。月明船笛參差起。風定池蓮自在香。半落星河知夜久。無窮草樹覺城荒。碧筒莫惜頽然醉。人事還隨日出忙。

初秋夢故山覺而有作

陂水白茫茫。草煙濕霏霏。牧童一聲笛。落日無餘暉。遙山已漸隱。村巷亞竹扉。老翁延我入。苦謝柿栗微。幸逢歲有秋。一醉君勿違。念此動中懷。命駕

吾將歸

別建安

歌帽揚鞭晚出城。驛亭燈火向人明。多情葉上蕭蕭雨。更把新涼送客行。

紫谿驛

原註信州鉛山縣

雲外丹青萬仞梯。木陰合處子規啼。嘉陵棧道吾能說。略似黃亭到紫谿。

筆有天趣此作運化工部下篇又用太白骨極鑿鏘之妙

月巖 聞雁

月巖
幾年不作月巖遊。萬里重來已白頭。雲外連娟何
所似。平羗江上。半輪秋。
淡淡自合刻劃。即失之矣。

聞雁

過盡梅花把酒稀。熏籠香冷換春衣。秦關漢苑無
消息。又在江南送雁歸。

張完臣曰可謂深至

春雨

冬早上不膏。愛此春夜雨。四郊農事興。老穉迭歌
舞。相呼長沮耕。分喜樊遲圃。豐年已在目。亭障靜
桴鼓。我歸未有期。一官寄倉廩。幸復寬簡書。不敢
恨羈旅。

記
平平寫去澹雅可愛。豐年十字。抵得一篇喜雨亭

南窓睡起

南窓睡起
夢中忘却在天涯。一似當年錦里時。狂倚寶箏歌。
白紵。醉移銀燭。寫烏絲。酒來郫縣香。初壓花送彭

陸游 春雨 南窓睡起

州露尚滋。起坐南窗成絕嘆。玉樓乾鵲誤歸期。

盧世灌曰三四俊爽自是佳句

晝漏迢迢暑氣清。不妨小倦帶餘醒。夢從寵客聲中斷。愁向湘屏曲處生。風度簾旌紅浪颭。窓明香岫碧雲橫。閑情賦罷憑誰寄。悵望壺天白玉京。

感舊絕句

鵝黃酒邊綠荔枝。原註鵝黃廣漢酒名綠荔枝出叙州摩訶池上納涼時。冰紈不畫驂鸞女。却寫江南白紵辭。

盧世灌曰有世外音響當於空際遇之

夏日晝寢夢遊一院閒然無人簾影滿堂惟

燕蹋箏弦有聲覺而聞鐵鐸風響璆然殆所

夢也邪因得絕句

桐陰清潤雨餘天。簷鐸搖風破晝眠。夢到畫堂人。不見一雙輕燕蹴箏絃。

書懷絕句

不到天台三十年。草菴猶記宿雲邊。老僧曉出松門去。手挈軍持取澗泉。

絕句源出樂府但取神韻趣在有意無意之間唐

人推青蓮龍標二家擅場作者妙處深得風人之
致視唐殆無愧色此不可以時代拘者也

雨後極涼料簡篋中舊書有感

日。映。小。雨。不。至。晡。雨。雖。未。足。涼。有。餘。細。泉。泠。泠。咽。
幽。竇。清。吹。策。策。驚。高。梧。笠。澤。老。翁。病。蘇。醒。欣。然。起。
理。西。齋。書。十。年。燈。前。手。自。校。行。間。顛。倒。黃。與。朱。區。
區。樸。學。老。自。信。要。與。萬。卷。歸。林。廬。爾。來。世。俗。好。變。
古。鑿。空。飾。詐。無。根。株。愀。然。撫。几。三。太。息。力。薄。抱。恨。
何。由。祛。蘭。臺。漆。書。非。已。責。且。為。籤。勝。除。蠹。魚。

秋夜

湖海秋初到。房櫳夜轉幽。露濃驚鶴夢。月冷伴蛩愁。
生計依微祿。年光墮遠遊。嚴灘已在眼。早晚放孤舟。
原註去年欲自三衢舟行泛七里瀨歸山陰今竟當為此行也

雨夜

庭院蕭條秋意深。銅爐一炷海南沉。幽人聽盡芭蕉雨。獨與青燈話此心。

豐城高安之間憩民家景趣幽邃為之慨然

懷歸

數家聚雲根。細路入叢薄。濺濺石渠水。來往一略
 約。有無鄰里通。笑語婦子樂。濁醪時相就。青蔬缺
 鹽酪。日暮歸閉門。續火星煜爚。先期畢租稅。老不
 入城郭。嗟予獨何事。早插紅塵脚。故山未成歸。悵
 望有餘恚。

寄奉新高令

小雨催寒著客袍。草行露宿敢辭勞。歲饑民食糟。
 糠。窄吏惰官倉。鼠雀豪。只要閭閻寬。箠楚不須亭
 障。肅弓刀九重屢下。丁寧詔。此責吾曹未易逃。

此真良二千石矣。察吏恤災安民。弭盜奉公。任職
 八句中。色色具到。却一氣渾成。不冗不腐。風雅遺
 軌。何河多得。鶴林玉露載王十朋真德秀二詩。命
 意雖同。而氣格相去遠矣。

予欲自嚴買船下七里灘。謁嚴光祠而歸會。

灘淺陸行至桐廬。始能泛江。因得絕句。

桐廬縣前舫聲急。蒼煙茫茫白鳥雙。亂山日落潮
 未落。勝絕不減吳松江。
 風格絕佳

行... 三月三日雪 雪霽湖上

辛丑正月三日雪

開歲尚殘冬。佳哉雪意濃。潤歸千里麥。聲亂五更鐘。
簾隙收初密。牆隅積已重。龍團笑羔酒。狐腋襲駝茸。
危檻臨欹竹。幽窗聽墮松。忽思西戍日。憑堞待傳烽。
原註予從戎日嘗大雪中登興元城上高興亭待平安火至

雪霽歸湖上過千秋觀少留

縱轡不嫌遠。逢山猶一登。夕陽陂渺渺。殘雪塔層層。
層折竹橫遮道。飢鳥下啄米欲歸。還小駐倚杖對

峻嶒

題山家壁

山中無傳漏。猿鳴知既夕。芳藤上幽援。素月照高壁。
主人殊喜事。歡若有夙昔。稚子繁竹槃。炊黍持餉客。
卜隣雖未辦。清嘯聊自適。衰病久廢詩。筆端歎荆棘。

憶昔

憶昔浮江發劍南。夕陽船尾每相銜。楠陰暗處尋高寺。
荔子紅時宿下巖。
原註高寺在瀘州下巖在雲安軍

御選唐宋詩 陸游 題山家壁 憶昔

猪。賽。龍。廟。沙。頭。伐。鼓。挂。風。帆。區。區。陳。迹。何。由。記。惟
有。征。塵。尚。滿。衫。

秋夜

秋。氣。侵。帷。夢。不。成。一。燈。西。壁。翳。還。明。風。高。露。井。無。
桐。葉。雨。急。煙。村。有。雁。聲。擊。筑。誰。同。燕。市。飲。賀。春。方
作。會。稽。行。從。來。自。許。知。何。等。堪。歎。江。湖。白。髮。生。
涼。風。又。落。南。宮。木。老。雁。孤。鳴。漢。北。州。不。及。領。聯。之
含。蘊

九月三日泛舟湖中作

兒。童。隨。笑。放。翁。狂。又。向。湖。邊。上。野。航。魚。市。人。家。滿。
斜。日。菊。花。天。氣。近。新。霜。重。重。紅。樹。秋。山。晚。獵。獵。青
帘。社。酒。香。隣。曲。莫。辭。同。一。醉。十。年。客。裏。過。重。陽。
原註

予自庚寅至辛丑始見九日於故山

新寒

病。怯。新。寒。欲。不。禁。南。窗。擁。褐。夜。悒。悒。江。湖。跌。宕。送
餘。日。書。劍。蕭。條。孤。壯。心。杜。曲。新。愁。隨。斷。雁。遼。陽。遺
恨。入。疎。砧。此。懷。擬。向。何。人。說。賴。有。昏。燈。伴。苦。吟。

湖村月夕

行... 湖村月夕 橫塘

客路風塵化素衣。閑愁冉冉鬢成絲。平生不負月明處。神女廟前聞竹枝。

盧世灌曰色相俱空

橫塘

橫塘南北埭西東。拄杖飄然樂未窮。農事漸興人滿野。霜寒初重雁橫空。參差樓閣高城上。寂歷村墟細雨中。新買一蓑苔樣綠。此生端欲伴漁翁。原註

是日偶買蓑衣甚妙

蔬圃

山翁老學圃。自笑一何愚。硯瘠財三畝。勤劬賴兩奴。正方畦畫局。微潤土融酥。翦闢荆榛盡。鉏犁磊塊無。過溝橫略約。聚甃起浮屠。原註拾園中隙地成瓜。援餘功及芋。區如絲。細生菜似鴨。爛蒸壺。此事今真辦。東歸不為鱸。

排比瑣事點染閑情。雖云遊戲亦斐亶可觀。

五雲門晚歸

高城帶遠林。落日動寒砧。行客自朝暮。青山無古今。衰遲慙逸氣。憂患足危心。溪迳滯歸艇。何時春

御... 寺亭 陸游 蔬圃 晚歸 夜汲 五

御選唐詩 卷四 井水煮茶 寄朱元晦 三

水深。

以高韻勝置盛唐人集中不復可辨

夜汲井水煮茶

病起罷觀書。袖手清夜永。四鄰悄無語。燈火正淒
冷。山童亦睡熟。汲水自煎茗。鏘然轆轤聲。百尺鳴
古井。肺腑凜清寒。毛骨亦蘇省。歸來月滿廊。惜踏
踈梅影。

寄朱元晦提舉

市聚蕭條極。村墟凍餒稠。勸分無積粟。告糴未通

流民望甚。飢渴公行。胡滯留微科。得寬否。尚及麥

禾秋。

惻然仁者之言。四十字不愧古人。羅大經謂文公
於詩獨取放翁。以其氣質渾厚。殆未足以盡之。

宋史文公本傳。淳熙七年。浙東大饑。易提舉。浙
東常平茶鹽事。即日單車就道。移書他郡募米。
商蠲其征。比至。部米已輻輳。與僚屬鈎訪民隱。
至廢寢食。雖深山窮谷。拊存不遺。事竣。宰相王
淮贇於上。曰。熹荒政。乃行其所學。民被實惠。

御選唐詩 卷四 陸游 寄朱元晦 乍晴泛 三

乍晴風日已和泛舟至扶桑埭徘徊西村久之

十日風雨今日晴衰病忽減思閑行接羅一幅煙霧薄舴艋八尺鳧鷖輕亭亭孤塢遠天碧曲曲深巷斜陽明數家茅屋門晝掩不聞人聲聞碓聲身似龐公不入城東阡南陌餘生新年倘有豐年喜買酒漁村看太平

攜瘦尊醉梅花下

楠瘦作尊容斗許擁腫輪困元媚嫵肯從放翁來

住山誰云置身不得所山房寂寞久不飲作意欲就梅花語我病鮮歡花更甚日暮淒涼泣殘雨人生萬事雲茫茫一醉常恐俗物妨正須仙人冰雪膚來伴老子鐵石腸花前起舞花底卧花影漸東山月墮瘦尊未竭狂未休笑起題詩識吾過

城西接待院後竹下作

水邊小邱因古城上有巨竹數百箇一徑蛇蟠不容脚平處乃可十客坐裊裊共看風枝舞蔌蔌時聽春籟墮古佛不粧香火冷瘦僧如腊袈裟破門

前西去長安路。日夜舳舻銜尾過。老夫本乏臺省
姿。且就清陰曲肱卧。

幽居春夜

暮景催人雪鬢雙。十年始復反吾邦。雲逢佳月每
避舍。酒壓閑愁如受降。三弄笛聲初到枕。一枝梅
影正橫窗。要知清夢遊何許。不釣桐江即錦江。
頸聯圓妙有彈丸脫手之樂

晨起

小雨濕清曉。新鶯啼早春。年光驚病眼。節物屬閑
身。巴。硤。東。連。楚。嶠。山。北。控。秦。遠。遊。端。可。繼。敢。恨。素
衣塵。

春遊

平生樂行役。不耐常閉戶。今朝新雨霽。一笑整巾
屨。青猿導幽蹊。春草伴微步。雖云尊酒薄。蔬果亦
畧具。辛夷發高枝。楊柳吹墮絮。行歌不知遠。落日
呼野渡。橫林已棲鴉。淺水猶立鷺。歸來意頗豪。古
錦有新句。

八月十四日夜湖山觀月

夜聞秋風

長空露洗玻璃碧。紫金之盤徑三尺。忽看擘地出
人間。桂樹扶疎如淡墨。攬衣獨立鏡湖邊。風露萬
頃秋渺然。開帆詎必入東海。騎鯨便可追飛仙。冰
壺玉瀝侵骨冷。醉看孤鸞舞清影。夜闌歸舍人已
眠。却倩天風為吹醒。竒語得自眼前轉。覺出人意表。

夜聞秋風感懷

西風一夜號庭樹。起攬戎衣淚濺襟。殘角聲催關
月墮。斷鴻影隔塞雲深。數篇零落從軍作。一寸淒

涼報國心。莫倚壯圖思富貴。英豪何限死山林。

草書歌

傾家釀酒三千石。閑愁萬斛酒不敵。今朝醉眼爛
巖電提筆四顧天地窄。忽然揮掃不自知。風雲入
懷。天借力。神龍戰野昏。霧腥竒鬼摧。山太陰。黑此
時。驅盡胸中愁。槌牀大斗狂。墮幘吳牋蜀。素不快
人。付與高堂三丈壁。與醉後草書一篇各成竒致。

夜泊水村

御選唐宋詩厚 卷四 陸游 草書歌 夜泊水村 三

腰間羽箭久凋零。太息燕然未勒銘。老子猶堪絕
 大漠。諸君何至泣新亭。一身報國有萬死。雙鬢向
 人無再青。記取江湖泊船處。卧聞新雁落寒汀。
 率多胸臆兼有氣。骨可為南渡君臣。慨然太息

自妙相歸將至杜浦堰舟中作

斜陽發東郭。初夜轉西城。寺閣踈鐘動。漁村遠火
 明。蒼茫林靄滅。撲漉水禽驚。漸喜吾廬近。遙聞過
 埭聲。

御選唐宋詩醇卷之四十五

山陰陸游詩四

目錄

秋興

三江舟中大醉作

樊江晚泊

秋夕

秋雨排悶十韻

寄題朱元晦武夷精舍

長安道

村舍

幽居感懷

遲莫

自若耶溪舟行杭鏡湖而歸

骨相

感憤

晚出偏門

過杜浦橋

莊器之作招隱閣項平父諸人賦詩予亦繼

作

溪上醉吟

雨中泊舟蕭山縣驛

初夏遊凌氏小園

題少陵畫像

初冬雜題

小雨

題徐淵子環碧亭亭有茶山魯先生詩

臨安春雨初霽

飲張功父園戲題扇上

小舟過御園

春遊絕句

雨後

夜汲

新霽城南舟中夜興

丙午五月大雨五日不止鏡湖渺然想見湖

未廢時有感而賦

早自烏龍廟歸

齋中閑咏

秋雨北榭作

馬者行

園中絕句

晨過天慶

出城

夜登千峯榭

秋興

行詩唐詩四卷三

余年二十時嘗作菊枕詩頗傳於人今秋偶

復采菊縫枕囊懷然有感

東吳女兒曲

有為予言烏龍高嶮不可到處有僧巖居不

知其年予每登千峰榭望之慨然為作詩

楚宮行

妾命薄

四鼓酒醒起步庭下

秋霽

採藥

塞上曲

送潘德久使薊門

夜歸博街巷書事

送張野夫寺丞收徐州

夜歸偶懷故人獨孤景畧

月下小酌

鄰曲有未飯被追入郭者憫然有作

題湖邊旗亭

和長句詩序

長句

陸游

四

寓懷

題千秋觀懷賀亭

樊江

練塘

歸次樊江

泛湖至東涇

村居初夏

東關

七月一日夜坐舍北水涯戲作

以事至城南書觸目

梅花絕句

題瑩上人二畫

剡谿

吳江

山家莫春

自詠

蓬萊館午憇

夢遊散關渭水之間

秋夜

荷花

秋興

新晴

舍北望水鄉風物戲作絕句

禹跡寺南有沈氏小園四十年前嘗題小園

壁間偶復一到而園已易主刻小園於石讀

之悵然

小園

夜讀范至能攬轡錄言中原父老見使老多

揮涕感其事作絕句

醉卧松下短歌

探梅

題四仙像

冬晴閒步東村由故塘還舍作

夜聞湖中漁歌

村夜

野意

憶昔

林森

夜闌賦中然燭

冬間聞也東林由姑蘇還舍於

賦四山對

秋興

輒相感不致煩

軒窗慰其車於盤回

亦讀於至前既辨雜言中氣父未良動也

御選唐宋詩醇卷之四十五

山陰陸游詩四

秋興

樵風溪上弄扁舟。濯錦江邊憶舊遊。豪竹哀絲真
昨夢。爽砧繁杵又驚秋。墜枝橘熟初堪剪。浮甃醅
香恰受篋。莫道身閑總無事。孤燈夜夜寫清愁。

三江舟中大醉作

志欲富天下。一身常苦飢。氣可吞匈奴。束帶向小
兒。天公無由問。世俗那得知。揮手散醉髮。去隱雲

海涯風息天鏡平。濤起雪山傾。輕帆入浩蕩。有怪不可名。虹竿秋月鈞。巨鰲倘可求。滅迹從今逝。回看隘九州。

擬以太白便覺去人不遠

樊江晚泊

碧雲吞日天欲暮。城西揆柁城東路。尊羹菰飯香滿船。正是江頭落帆處。荻洲漁火遠更明。煙水蒼茫聞雁聲。不是綠尊能破悶。白頭客路若為情。

秋夕

羈魂虛仗些詞。拈病骨那禁。積毀消亂葉。打窗寒有信。昏燈照慢夢。無聊棧邊老驥。心空在爨下。殘桐尾半焦。百感忽生推枕起。碧霄銀漢正迢迢。深於此興怨而不怒。

秋雨排悶十韻

今夏久無雨。從秋却少晴。空濛迷遠望。蕭瑟送寒聲。衣潤香偏著。書蒸蠹欲生。壞簷聞瓦墮。漲水見堤平。溝溢池魚出。天低塞雁征。螢飛明閣廡。蛙鬧雜踈更。藥醖時須焙。舟閑任自橫。未憂荒楚菊。直

往還屋宇言西
朱元晦武彛精舍
恐。敗。吳。杭。夜。永。燈。相。守。愁。深。酒。細。傾。浮。雲。會。消。散。
鼓。笛。賽。西。成。

方回曰字字工穩

寄題朱元晦武彛精舍

先生結屋綠巖邊。讀易懸知屢絕編。不用采芝驚
世俗。恐人謗道是神仙。
身閑剩覺溪山好。心靜尤知日月長。天下蒼生未
蘇息。憂公遂與世相忘。

惟朱子稱此詩惟此詩可寄朱子所云詩中有人

者

長安道

千夫登登供版築。萬手丁丁供斲木。歌樓舞榭高
入雲。複幕重簾晝燒燭。中使傳宣騎飛鞚。達官候
見車擊轂。豈惟炎熱可炙手。五月瞿唐誰敢觸。人
生易盡朝露晞。世事無常壞陂復。士師分鹿真是
夢。塞翁失馬猶為福。君不見野老八十無完衣。歲
晚。壯。風。吹。破。屋。
言抵藥石體合風雅

村舍

空谷人稀到。新寒病頓輕。晨霜催小獵。宿雨潤新耕。草莽秦馳道。雲煙越故城。千年不磨滅。惟有暮山橫。有俯仰千古之感。句法亦逼老杜。

幽居感懷

偶傍楓林結數椽。東歸也復度流年。汀洲雁下依殘水。墟里人行破夕煙。十月風霜欺客枕。五更鼓角滿江天。散關清渭應如昨。回首功名一愴然。

遲暮

遲暮固多感。况此歲崢嶸。霜霰忽已集。夜聞絡緯鳴。青燈不解語。依依有餘情。銅瓶煮寒泉。中作笙簫聲。沈憂能傷人。一夕白髮生。蓬萊渺雲海。金丹幾時成。

自若耶溪舟行杭鏡湖而歸

換馬亭前煙火微。鬪牛橋畔行人稀。雲山慘澹少顏色。霜日清薄無光輝。新酒筍成桑正落。美人信斷雁空歸。高樓何處吹長笛。清淚無端又濕衣。

詞意清婉風調致佳

骨相

骨相元知薄。功名敢自期。病侵疆健日。閑過聖明時。形勝輪臺地。飛騰瀚海師。江湖雖萬里。猶擬綴聲詩。

意自深深非關骨相

感憤

今皇神武是周宣。誰賦南征壯伐篇。四海一家天歷數。兩河百郡宋山川。諸公尚守和親策。志士虛

捐少壯年。京洛雪消春又動。永昌陵上草芊芊。

大聲疾呼氣浮紙。上諸將五首之嫡嗣也。

盧世灌曰南渡樂於偏安誰能念此

晚出偏門

一段新愁帶宿醒。半欹烏帽策驢行。村墟杳動梅初破。裘褐寒輕雪未成。渡口人爭紅日晚。沙邊雁帶碧煙橫。悠然又覓長堤路。腸斷城樓畫角聲。

過杜浦橋

橋北雨餘春水生。橋南日落暮山橫。問君對酒胡

不樂聽取菱歌煙外聲。

莊器之作招隱閣項平父諸人賦詩予亦繼

作

諸公共賦反招隱。細字斜行肯見傳。語到淮南小山作人如江左永和年。一窗蘿月禁春瘦。萬壑松風撼書眠。我亦尚嫌林谷淺。因君更擬斲雲煙。

溪上醉吟

行行不知溪路深。但怪素月生遙岑。不辭醉袖拂花絮。與子更醉青蘿陰。

雨中泊舟蕭山縣驛

端居無策散閑愁。聊作人間汗漫遊。晚笛隨風來倦枕。春潮帶雨送孤舟。店家菰飯香初熟。市擔蓴絲滑欲流。自笑勞生成底事。黃塵陌上雪蒙頭。春潮七字與蘇州各成妙句。

初夏遊凌氏小園

水滿池塘葉滿枝。曲廊危榭愜幽期。風和海燕分泥處。日永吳蠶上簇時。閑理阮咸尋舊譜。細傾白墮賦新詩。從來夏淺勝春日。兒女紛紛豈得知。

原註

後道唐詩言
卷三 題少陵畫像 初冬
庾信詩云夏淺却勝春
鏡湖遊人至立及而止

題少陵畫像

長安落葉紛可掃。九陌北風吹馬倒。杜公四十不成名。袖裏空餘三賦草。車聲馬聲喧客枕。三百青銅市樓飲。杯殘為冷正悲辛。仗內鬪雞催賜錦。

初冬雜題

莫嫌風雨作新寒。一樹青楓已半丹。身在范寬圖畫裏。小樓西角剩憑闌。

小雨

細細濕春光。霏霏破夕陽。卧聞驚倦枕。起看入虛堂。映葉鶯猶轉。爭泥燕正忙。閑愁無遣處。誰與共飛觴。

工於賦物不落纖巧

題徐淵子環碧亭亭有茶山曾先生詩

茶山丈人厭囂譁。幅巾每訪博士家。小亭談笑不知暮。往往城上聞吹笳。興來傑作粲珠璧。歲久妙墨亡龍蛇。郎君弟子多白髮。回頭日月如犇車。徐卿赤城古仙子。十年四海推才華。覽觀陳迹喜不

即選喜末詩亭

卷四

陸游 小雨 題徐淵子環

七

寐旋補罅漏支傾斜。曲池還浸古來月。叢莽忽見當時花。重題舊句照高棟。力振風雅排淫哇。席間紵袍已散鵠。堂上講鼓初停撾。速宜力置竹葉酒。不用更淪桃花茶。
原註桃花茶見魯公詩

臨安春雨初霽

世味年來薄似紗。誰令騎馬客京華。小樓一夜聽春雨。深巷明朝賣杏花。矮紙斜行閑作草。晴窗細乳戲分茶。素衣莫起風塵嘆。猶及清明可到家。
 頷聯團轉脫口而出一涉湊泊失此語妙

瞿佑曰陳簡齋詩云客子光陰詩卷裏杏花消息雨聲中陸放翁詩云小樓一夜聽春雨深巷明朝賣杏花皆佳句也葉靖逸詩云春色滿園關不住一枝紅杏出牆來戴石屏詩云一冬天氣如春暖昨日街頭賣杏花句意亦佳可以追及之

盧世灌曰三四有唐人風韻

方回曰臨安春雨初霽一首劔南集編在嚴州朝辭時所作後村詩話乃謂妙年行都所賦思

陵賞音似誤

飲張功父園戲題扇上

寒食清明數日中。西園春事又匆匆。梅花自避新桃李。不為高樓一笛風。

寓意雖刻自足風調

盧世灌曰翻案妙有諷意

小舟過御園

聖主憂民罷露臺。春風別苑晝常開。盡除曼衍魚龍戲。不禁芻蕘雉兔來。水鳥避人橫翠靄。宮花經

雨委蒼苔。殘年自喜身强健。又作清都夢一回。

善於立言

春遊絕句

百五下。示。下。二十六溪春水生。千秋觀裏逢急雨。射的峰前看晚晴。

原註自秦望山而北合三十六溪水為若耶溪

雨後

礎潤還成雨。雲收旋作晴。巖花分日發。林筍逐番生。筆硯行常具。軒窗晚更明。塵埃幸不到。那得廢詩情。

夜汲

酒渴起夜汲。月白天正青。銅瓶響寒泉。聞之心自醒。井邊雙梧桐。映月影離離。上有獨棲鵲。細爪握高枝。我欲盡團扇。良工不可求。三歎拊庭楯。浩然風露秋。

落落有古意

新霽城南舟中夜興

身是江湖不繫船。雨餘隨處一翛然。浮雲盡歛出青嶂。孤月徐升行碧天。收網漁歌移別浦。隔城塔影落前川。明朝閑就平洲飲。巾履追涼又一年。

丙午五月大雨五日不止鏡湖渺然想見湖

未廢時有感而賦

朝雨暮雨梅正黃。城南積潦入車箱。鏡湖無復鏡。青秧直浸山脚白。茫茫湖三百里漢。訖唐千載未嘗廢。陂防屹如長城限胡羗。奮夫有秩走且僵。旱有灌注水何傷。越民歲歲常豐穰。汎湖誰始謀不臧。使我婦子饜糟糠。陵遷谷變亦何常。會有妙手開湖光。蒲魚自足被四方。煙艇滿目菱歌長。

有開國計民生非尋常歌詠可比

山陰志鏡湖綿跨二縣周迴三百五十八里東漢馬臻始築塘蓄水溉田九千餘頃迄於宋民甚利之祥符以來並湖之民盜湖為田熙寧中遣使至越不能復湖後遂盡廢為田皆已陞科議復古以興水利者常惜之而勢不可行

會稽志張元忭曰忭按諸家所論前乎漢而無海塘則鏡湖不可不築後乎宋而有海塘則鏡湖可以不復近者三江之開其益百倍於海塘惟時其啟閉以常謹水利之大綱而於外塘務完之內流務濬之以時修水利之細目則受利不止一會稽矣又何鏡湖之足論乎

早自烏龍廟歸

殘漏聲中聽曳鈴翩翩吹帽出郊坰雨餘澗落雙虹白雲合山餘一髮青鐵馬蹴水悲昨夢朱顏辭鏡感頽齡歸來獨對空齋冷鳥迹蒼苔自滿庭

齋中閑咏

風號萬物作濤聲雲截千峰似几平多病支離仍

老境暮秋蕭瑟更山城燕觴久罷塵痕積庭訟全
稀蘇。暈。生。莫。道。齋。中。日。無。事。焚。香。掃。地。又。詩。成。
六句可謂深穩

秋雨壯榭作

秋風吹雨到江濱。小閣踈簾曉色分。津吏報增三尺水。山僧歸入萬重雲。飄零露井無桐葉。斷續煙汀有雁羣。了却文書早尋睡。檐聲偏愛枕間聞。
方回曰此嚴陵郡圃也三四極工而活

馬耆行

馬耆山頭暮煙紫。牛羊聲斷行人止。平沙風急捲寒蓬。天似穹廬月如水。大胡太息小胡悲。投鞍欲眠且復起。漢家詔用李輕車。萬丈戰雲來壓壘。馬耆山下春雪晴。莽莽惟有蒺藜生。射麋食肉飲其血。五穀自古惟聞名。燕蘇切莫近亭障。將軍卧護真長城。十年牛馬向南睡。知是中原今太平。

園中絕句

溪北溪南飛白鷗。夕陽明處見漁舟。憑誰為剪機中素。盡取天涯一片秋。

晨過天慶

蘿月挂團壁。松風號急灘。孤燈經院曉。殘雪醮壇寒。賸欲閑扶杖。何妨醉墮冠。詩成興不盡。萬里跨青鸞。

三四語意工。絕與棋聲花院靜。幡影石壇高。不可軒輕。

出城

翩翩烏帽出林垆。掠面風微酒半醒。戍火難尋玉關夢。衣塵空愧草堂靈。天晴山雪明城郭。水漲江

流近。驛亭客鬢不如堤上柳。數枝春動又青青。

夜登千峯榭

夷甫諸人骨作塵。至今黃屋尚東巡。度兵大峴非無策。叔泣新亭要有人。薄釀不澆胷壘塊。壯圖空負膽輪囷。危樓插斗山銜月。徙倚長歌一愴神。從空而下氣象高。遠歸咎王呂。自是千古公論。

潘問竒曰。劔南詩操觚家奉之。如拱壁然。一時所為翕然者。不過喜其陶寫風雲流連月露而已。而其惓惓宗國。悱惻纏綿。顧未有及之者。予

為一一標識之使知先生當日傷半壁之無依
痛兩宮之不返終天歎悼不徒區區景物間也
比少陵庶幾一飯不忘之誼云

秋興

孤城寂寞近江干處處踈礧送早寒水落纔餘半
篙綠霜高初染一林丹民租屢減追胥少吏責全
輕法令寬偶有一樽聊獨醉強掇黃菊助清歡

余年二十時嘗作菊枕詩頗傳於人今秋偶
復采菊縫枕囊悽然有感

采得黃花作枕囊曲屏深幌闕幽香喚回四十三
年夢燈暗無人說斷腸

少日曾題菊枕詩蠹編殘橐鎖蛛絲人間萬事消
磨盡只有清香似舊時

黯然自傷與沈園二絕所感同而詞亦並工蓋發
乎情者深也

東吳女兒曲

東吳女兒語如鶯十三不肯學吹笙鏡奩初喜穉
蠶出窗眼已看雙繭成庭空日暖花自舞簾卷巢

乾。燕。新。乳。阿。弟。貪。書。下。學。遲。獨。揀。詩。章。教。鸚。鵡。
絕似皮陸

有為子言烏龍高嶮不可到處有僧巖居不
知其年予每登千峯榭望之慨然為作詩
樵子向予說有僧巢翠微巖扉雲共宿錫杖鶴同
飛日暮松明火天寒榭葉衣棄官從此逝非子尚
誰歸。

楚宮行

漢水方城一何壯。太路並馳車百兩。軍書插羽擁
修門。楚王正醉章華上。璇題藻井窮丹青。玉笙寶
瑟聲冥冥。忽聞命駕遊七澤。萬騎動地如雷霆。清
晨射獵至中夜。蒼兕元熊紛可藉。國中壯士力已
殫。秦寇東來遣誰射。

妾命薄

原註太白作此篇言長門宮事予反之

妾命薄。早入天家侍帷幄。君王勤儉省宴遊。寶柱
朱弦塵漠漠。日長別殿承恩稀。旰昃猶聞親萬機。
宮中雖無珠玉賜。塞上不見煙塵飛。不須悲傷妾
命薄。命薄却令天下樂。

高處立濶處行

四鼓酒醒起步庭下

酒解夜過半。出門步中庭。天高河漢白。月澹煙霧青。重滴竹杪露。疎見樹罅星。壞甃啼寒螿。深竹明孤螢。秋晚雖未霜。蠹葉時自零。四序逝不留。慨然感頽齡。平生茅一把。不博帶萬釘。鴟溝謝拍拍。鴻路追冥冥。

秋霽

灑氣明山川。霽色滿天地。西風吹我衣。忽有萬里

意。中原運當平。所要在得士。餘年猶幾何。棄置

棄置。短幅森巖中。極頓挫之妙。

採藥

箕子編成細箬新。獨穿空翠上嶙峋。丹砂蠟際朝。瞰日狗杞雲間夜。吠人。絡石菖蒲蒙綠髮。纏松薜荔長蒼鱗。金貂謁帝我未暇。且作人間千歲身。

塞上曲

將軍許國不懷歸。又見桑乾木葉飛。要識君王念

徐選唐詩言四 卷四三 潘德久使薊門

征。戍。新。秋。已。報。賜。冬。衣。

自合唐音

送潘德久使薊門

崑崙東分一枝渾。奔蹴砥柱經龍門。羲皇受圖撫
上古。神禹治水開中原。三靈實扶藝祖業。萬國共
仰東都尊。羣兒撞壞吁可嘆。顧使殘虜今遊魂。因
君試求出師路。孟津白馬應如故。不須更議繫河
橋。壯風正可乘水渡。頗聞盧龍已數盡。復道飛狐
合屯戍。轅門倘駐拂雲祠。烽火應過明妃墓。君歸

解鞍藉芳草。細談塞壯志。予老讀書飲酒待賊平。
萬丈旄頭方下掃。

老驥伏櫪志在千里游。豈須臾忘恢復者。况觸事
感懷。耶端莊雜流麗剛健含婀娜。可以語此詩之
妙。

夜歸博街巷書事

近坊燈火如晝明。十里東風吹市聲。遠坊寂寂門
盡閉。只有煙月無人行。誰家小樓歌惱儂。餘響縹
緲縈簾櫳。苦心自古乏真賞。此恨畧與吾曹同歸。

印選唐詩言四 卷四三 陸游 夜歸博街巷書事 七

律道居牙言西 卷三 送張野夫寺丞牧滁州 七

來空齋卧凄冷。燈前病骨巉巉影。獨吟古調遣誰聽。聊與梅花分夜永。

送張野夫寺丞牧滁州

皇天方憂九州裂。建隆真人仗黃鉞。陣雲冷壓清流。關賊壘。吟嚶氣如髮。逋誅猾虜入檻車。北風吹乾草頭血。一龍上天三百年。舊事空聞遺老說。金印斗大誰作州。公子玉面蒼髯虬。賦詩健筆挾風雨。論兵辯舌森戈矛。別君帳飲灞橋頭。長歌為君寬旅愁。戰場遺迹儻可畫。尺素寄我關河秋。

唐之子孫不能以天下取河北志士之慨於言外見之

夜歸偶懷故人獨孤景畧

買酒村場半夜歸。西山落月照柴扉。劉琨死後無奇士。獨聽荒雞淚滿衣。

觸緒長嗟言在此而意在彼十四字中波瀾甚濶賀裳詩話乃謂務觀才具無多意境不遠惟善寫眼前景物豈非但見方隅者耶

月下小酌

陸游 夜歸 月下小酌 七

草樹已秋聲。郊原喜晚晴。風生雲盡散。天濶月徐行。下箸槎頭美。傳杯甕面清。追歡猶可勉。徂歲不須驚。

鄰曲有未飯被追入郭者憫然有作

春得香秬摘綠葵。縣符急急不容炊。君王日御金華殿。誰誦周家七月詩。

親民之官莫如守令。與人主共養百姓。同休戚者其惟良吏乎。漢治之稱文景有以也。

題湖邊旗亭

春色初回杜若洲。佳人又典鷓鴣裘。八千里外紅魚父。五百年前舊酒樓。渡口遠山顰翠黛。天邊新月挂瓊鉤。回頭笑向紅塵說。也有閑愁到此不。落筆豪俊宋人常問人云。君詩中有幾酒樓。此亦一酒樓也。

寓懷

脫粟未為飢。短褐未為寒。衆毀心自可。身困氣愈完。郊屋雖三間。跌坐則已寬。濁酒不滿瓢。浩歌有餘歡。祿食妻子樂。功名後人看。成敗兩蝸角。貴賤

一鼠肝。芒芒百年夢。底物堪控搏。不如學餐霞。
 此雙頰。丹行披終南。雲飛渡黃河。湍巖然過空城。
 人言古長安。霜露蒙荆榛。喟然增永歎。
 國恥未雪。此老終身大恨。固其忠義所結。然言之
 頻數。亦為筆墨之累。此乃別有波瀾。言盡而意不
 盡。

題千秋觀懷賀亭

河湟使典珥左貂。曲江相君謝不朝。宮中玉環狐
 作妖。黠虜旁窺心。已驕天維欲絕地。軸搖有識凜

凜憂宗祧。賀公託吾師。松喬黃冠徑歸侶。漁樵老
 馬立仗不自聊。去如鸞鳳冲煙霄。傾都祖餞擁渭
 橋。賢哉大夫脫塵囂。揚州渡江木蘭橈。入東夜聽
 錢塘潮。我來故祠竹蕭蕭。黃冠野服傳生綃。詞卑
 媿匪英瓊瑤。空采蘋藻奠桂椒。虛堂斷香閉寂寥。
 遺魂零落何由招。
 論古別有見解

樊江

手中一卷養魚經。又向樊江上草亭。朝雨染成新

漲綠春煙澹盡遠山青榜舟不厭頻來往岸幘常
須半醉醒賦罷新詩自高詠滿汀鷗鷺欲忘形
自饒雅韻

練塘

微風吹頰酒初醒落日舟橫杜若汀水秀山明何
所似玉人臨鏡暈螺青

歸次樊江

芳草東西路綠楊長短亭人生豈飽繫吾志本鴻
冥征袖朝霑雨歸帆夜戴星長魚幸能買且復倒

殘瓶

泛湖至東涇

春水六七里夕陽三四家兒童收鵝鴨婦女治桑
麻地僻衣巾古年豐笑語譁老夫維小艇半醉摘
藤花

村居初夏

天遣為農老故鄉山園三畝鏡湖傍嫩莎經雨如
秧綠小蝶穿花似繭黃斗酒隻鷄人笑樂十風五
雨歲豐穰相逢但喜桑麻長欲話窮通已兩忘

徐邊唐詩集 卷之三 初夏 東關 夜坐水涯 三

盧世淮曰此景真不可多得

東關

煙水蒼茫西復東。扁舟又繫柳陰中。三更酒醒殘
燈在。卧聽蕭蕭雨打篷。

七月一日夜坐舍北水涯戲作

兀傲胡床酒半醒。釣筒收盡數舟橫。風生細葛無
三伏。月上疎林正四更。北斗離離低欲盡。明河脉
脉去無聲。斥僊豈復塵中戀。便擬騎鯨返玉京。
以星河供點染。少加運用便有景有情。

以事至城南書觸目

十里西風吹帽帶。江城衣杵遠猶聞。路如劍閣逢
秋雨。山似爐峰鏤暮雲。原上老翁眠犢背。籬根小
婦牧羊羣。百錢且就村場醉。舌本醇醪莫苦分。
感舊意正以不露為佳

梅花絕句

憶昔西戍日。夜宿僊人原。風吹野梅香。夢繞江南
村。
低空銀一鈎。糝野玉三尺。愁絕水邊花。無人問消

印卷唐詩集 卷之三 陸游 以事至城南 梅花 三

息。

題瑩上人二畫

天地又秋風。谿山憶刻中。孤舟幸閑著。借我訪支公。

右刻谿

絕。曉聽楓橋鐘。暮泊松江月。斯人亦可人。淡墨寫愁。

右吳江

山家暮春

遠屋清陰合。綠堤綠草纖。起蠶初放食。新麥已磨鎌。苦筍先調醬。青梅小蘸鹽。佳時幸無事。酒盡更須添。

瑣事老筆

自詠

萬事不挂眼。終年常避人。荒畦荷鋤晚。環堵結茹新。病馬何勞斥。輕鷗未肯馴。雖慙市門卒。聊作葛天民。

蓬萊館午憇

後漢唐詩言 卷三 蓬萊館 遊 三

驛門繫馬聽蟬吟。翻動平生萬里心。橋畔笛聲催
日落。城邊草色帶煙深。關河歷歷功名晚。歲月悠
悠老病侵。憶戍梁州如昨日。憑闌西望一霑襟。

盧世灌曰悲壯

夢遊散關渭水之間

半生望眼怯天涯。客裏何堪度歲華。但恨征輪無
四角。不愁客路有三義。驛窓燈閣傳秋柝。關樹煙
深宿暮鴉。叱犢老翁頭似雪。羨渠生死不離家。
完題簡淨

秋夜

清夜不成寐。出門還浩歌。斷雲微翳月。薄露不傾
荷。絡緯知時早。梧桐奈汝何。非關老懷惡。秋物感
人多。

荷花

風露青冥水面涼。旋移野艇受清香。猶嫌翠蓋紅
粧句。何況人言似六郎。
隨手翻新居然佳語

秋興

陸游 秋夜 荷花 秋興 二

老子雖貧未易量。風流猶在小苑堂。蒲萄錦覆。孫古鸚鵡。螺斟玉瀼。香千點。荷聲先報雨。一林竹影剩分涼。秋來便有欣然處。新種蓴絲已滿塘。

新晴

積雨已淒冷。新晴還少和。稼收平野濶。木落遠山多。土潤朝畦菜。機鳴夜擲梭。時清年歲好。吾敢歎蹉跎。

盧世灌曰領聯自是佳句

舍北望水鄉風物戲作絕句

西風沙際矯輕鷗。落日橋邊繫釣舟。乞與畫工圖扇本。青林紅樹一川秋。

禹跡寺南有沈氏小園四十年前嘗題小園

壁間偶復一到而園已易主刻小闕於一讀之悵然

楓葉初丹。榭葉黃。河陽愁鬢怯新霜。林亭感舊空回首。泉路憑誰說斷腸。壞壁醉題塵漠漠。斷雲幽夢事茫茫。年來妄念消除盡。回向禪龕一炷香。

周密曰放翁娶唐氏於其母為姑姪而不相得

出之後改適趙士程嘗以春日出遊相遇於禹
跡寺南之沈氏園唐以語趙遣致酒肴翁悵然
久之為賦釵頭鳳詞題園壁間集中紅酥手黃
藤酒一闋是也唐氏見而和之未幾下世

小園

窄窄柴門短短籬。山家隨分有園池。客因問字來
携酒僧趨分題就賦詩。晨露每看花蕊坼。夕陽頻
見樹陰移。原註此二事非
閑寂不知也拂衣司諫猶忙在此趣
淵明却少知

盧世灌曰閑情逸事惟世外人知之

夜讀范至能攬轡錄言中原父老見使者多

揮涕感其事作絕句

公。卿。有。黨。排。宗。澤。惟。幄。無。人。用。岳。飛。遺。老。不。應。知。
此恨亦逢漢節解沾衣

南渡之不振實由於此扼腕而言自成高調

醉卧松下短歌

披鹿裘。枕白石。醉卧松陰當月夕。寒藤天矯學草
書。天風蕭森入詩律。忽然夢上百尺顛。綠毛邂逅



往道唐先言言 卷三 醉臥松下 探梅

巢雲仙相携大笑咸陽市。俯仰塵世三千年。

造語入妙

探梅

我遊東村衝暮煙。斷橋流水鳴濺濺。欲尋梅花作
一笑。數枝忽到拄杖邊。高標元合著山澤。絕豔豈
復施丹鉛。定知曾授餐玉法。不爾恐是凌波仙。錦
江賦詩忽萬里。蓬山把酒今三年。相逢風味宛如
昨。人生何者非前緣。頗思取醉極清賞。杖頭幸有
百許錢。但判插破烏紗帽。莫記吹落黃金船。

趣極自然調亦清婉

題四仙像 原註 薊子訓

世上年光東逝波。咸陽銅狄幾摩挲。神仙不死成
何事。只向秋風感慨多。

冬晴閒步東村由故塘還舍作

紅藤拄杖獨相羊。路遶東村小嶺傍。水落枯萍粘
蟹。 原註 鄉人植竹以取蟹謂之曰概 雲開寒日上魚梁。洛陽二
頃言良是光範。三書計本狂。歷盡危機識天意。要
令閑健返耕桑。

陸游 題四仙像 冬晴閒

往還唐朱言晉 卷之三 步東村 夜聞湖中漁歌 三

方回曰五六善用事蟹蝦句尤新

盧世淮曰瑣事寫來亦新緻

祖應世曰一路細細領畧淺跡人安能有此

夜聞湖中漁歌

夢回一燈翳復明。卧聞湖上漁歌聲。嗚嗚乍低忽
更起。嫋嫋欲斷還微縈。初隨缺月墮煙浦。已和殘
角吹江城。悲傷似擊。漸離筑。忠憤如撫。桓伊箏。放
臣萬里憂國淚。戍客白首懷鄉情。峽猿失侶方獨
宿。沙雁垂翅猶遐征。巴巫竹枝短亭晚。瀟湘欸乃

孤舟橫。世間此恨故相似。使我百感何由平。

一氣排宕有風雨驟至之勢。只用一語收結。老氣

無敵

村夜

寂寂山村夜。悠然醉倚門。月昏天有暈。風軟水無
痕。迹為遭讒遠。身由不仕尊。敢嗟車馬絕。同社自
雞豚。

潘問奇曰風軟水無痕未經人道

野意

印集唐朱言晉 卷之三 步東村 夜聞湖中漁歌 三 陸游 村夜 野意 憶昔

隄長逾十里。村小只三家。山客弛樵擔。溪翁鳴釣
車。花深迷蝶夢。雨急散蜂衙。衰疾新年減。青鞵上
若耶。

憶昔

憶昔西征日。飛騰尚少年。軍書插鳥羽。戍壘候狼
煙。渭水秋風夜。岐山曉雪天。金鞵馳叱撥。繡袂舞
嬋娟。但恨功名晚。寧知老病纏。虎頭空有相。麟閣
竟無緣。壯士埋巴峽。原註獨孤策孤身卧海壖。安西九
千里。孫武十三篇。裘嘆蘇秦弊。鞭憂祖逖先。何時

詔下遣將入幽燕。

筆力健舉


感懷


卜居鏡湖上。一菴環翠屏。竹林藏谿初。嶺路蟠青
冥。騫騰立竒石。蘄絕瞻危亭。車馬雖埽迹。猿鳥與
忘形。我行半九州。踟躕盡芒屨。青豈知雪滿鬢。於茲
敞雲扃。丹砂收箭鏃。茯苓斲人形。遼天渺歸鶴。一
瞬三千齡。

殘年迫衰謝。嬰疾歸鄉枌。諸賢渡江初。總角幸有

聞才非楚倚相亦能讀典墳夫豈或使之後死與
斯文世儒鑿戶牖道術將瓜分孤陋守一說百氏
殆可焚後來豈無人鼻聖誰揮斤魏魏貞觀治房
魏出河汾

文集答劉主簿書前輩之學積小以成大以所
有易所無以能問於不能故其久也汪洋浩博
該極百家而不可涯溪諸名勝渡江去前輩尚
未甚遠故此風猶不墜三二十年來士自為畦
畛甚狹已所未知者輒訕薄之以為不足學詆
窮經者則曰傳註已盡矣詆博學者則曰不知
無害為君子嗚呼陋哉





日本書紀卷之四
推古天皇元年

